

皇明經世文編

皇明經世文編卷之四百四

徐孚遠闇公 陳子龍卧子

華亭

編輯

宋徵璧尚木 周立勳勒卣

宋家禎善先參閱

鄭經畧奏疏

疏

鄭洛

嚴杜流虜借路深姦以慎邊防以安全鎮疏

杜虜
借路

是時大虜西行糾合西虜踏據番池番崗為一陝

臣自九月初一日入陝西境界訪得火酋盤據莽捉

西邊鎮孤危故公以大臣奉旨闕視既入境乃

二川皆由甘肅地方借路深入故流禍至此及查甘

上此疏

鎮借路不止一處地方在莊浪則鎮羌堡在黑松則
鐵櫃兒在涼州則泗水堡在永昌則水泉與寧遠在
甘州則硤口皆北虜由內地通番之徑也往未款之
前套虜搶番曾此借路然尚突然來往畏懼我兵設
伏追剿不敢久住地方肆行搶掠自順義納款以後
曾一借道經行彼時俺答遵守約法嚴禁部夷並不
敢動擾內地比後胡虜經行遂爲舊例然猶爲守約
法不敢放肆因循日久乃敢稍搶漢人然一犯之後

遂就罰服。猶未敢公然搶掠。近則火真二酋糾聚羣
夷。敢爲犯順。以莽梃二川爲巢穴。視洮河二州爲番
地。大肆虜掠。戕殺將官。是甘肅之邊防。乃爲流虜必
由之門戶矣。今虜王未歸。火酋未懲。而套中群醜。又
復聲言相率西行。勢必經由甘鎮。是在虜酋視甘鎮
爲故道。可以經行。在邊將亦視虜行爲舊規。難以拒
阻。年復一年。夷漢雜處。在昔甘肅素稱北虜南番。今
則南北皆虜。昔稱中漠外夷。今則中外皆夷。及今不
早圖力處。將至大壞極敗。不可收拾。臣晝夜籌思。不

能不悚悚然懼也。臣初至蘭州，審知情狀，卽通行該鎮多方哨探，慎固邊防。如遇自北各酋到邊借路，不拘何枝，卽便着落舌辨通官明白曉諭，云爾往時假稱前去西海，經由內地，因爾納款，容爾經行。今爾聚集莽捏二川名雖搶番，實搶內地。今朝廷震怒，持

作好語撫慰使其後易爲收拾

遣大臣統兵前來，與爾好好講說，如前往西海只好經由邊外，其邊境以內難以容爾行走。儻若諭之執迷不從，該管將領卽便督率官兵相機堵截。如果虜勢重大，難以堵截，亦須相機暗伏，夜擊驚擾，虜自不

敢如前安心駐牧風聲一布亦可以阻續來之胡騎也臣復竊計火酋未創而虜王大部尚蜂屯海上必使虜黨漸移則孤雛自困然後相機一創庶中機宜故虜之自北而來者必力爲堵截自南而歸者須稍放寬一路又明諭邊將倘遇各虜借路回巢者即便設兵嚴防諭令今年姑容爾急走出邊返其故巢若明年回巢卽閉塞關門不容爾出矣若各夷不敢騷擾漢人漢人亦姑勿輕爲殺虜乃於前項借路處所各發白牌一面令其常川豎立曉諭諸酋一以明示

杜絕一以開路促之解散又恐虜性難馴地方官員不知通變緩急若傳譯未明撫剿未當反致誤事乃密諭總兵張統兵移駐虜賊借路就近處所用示彈壓又節據塘報套虜聲言將欲西牧海上今零寇漸移等因臣復思與其嚴拒於虜騎之臨邊不若先聲于胡馬之未動又復爲帖傳示延綏總兵官專差舌辨通官預先傳諭套酋卜失兔莊禿賴明愛抄忽兒等并切盡寡婦一體知悉於今大臣提兵已至甘肅與虜王講處大酋之事恩威俱不可測你們若往西

去也不阻你。你去時。若由邊外任你行走。今已有明文。行甘肅總兵攔阻夷人。不許自關門經過。各一一傳說明白。倘驕虜不遵戒諭。敢於率衆闖邊。然後我之堵截剿捕。虜無後辭矣。夫嚴兵以遏其來。而又先諭以伐其謀。虜由內地。或可從此阻也。臣復念邊方之事。臣既奉命經畧。職所得爲。曷敢又瀆聖聽。惟是地方官員。歛虜以來。藉口保全貢市。不敢出一力以創驕酋。而威力制虜者。又謂之爲起釁生事。今堵截虜路。法自臣始。若不據實題請。奉有明旨。使甘

不得謂一意歛虜

親疏未敘語知鄭公于制虜自有操縱

鎮將吏昭昭然共聞之。誠恐畏首畏尾。謂洮河失事。與甘鎮無干。畏開虜累。猶復朦蔽姑容。臣暫駐蘭州。相去河西一二千里。安能時時申飭。事事督責也。伏乞敕下兵部。覆議上請。嚴行該鎮。今後各要振武揚威。痛祛積玩。如遇諸虜搶番借路。務須遵照臣前項申飭傳帖事理。極力防阻。毋容輕入。如酋虜不從。相機拒剿。毋事慣縱。倘稱兵拒虜。臨陣損傷。亦須寬之。文法大都以拒虜爲功。不以損傷爲罪。庶邊事可振。虜患可弭。火酋可剿。兩川可蕩矣。

類報虜情疏

虜情

大抵虜部得名時有不同

看得前項所報情狀不一，大都在甘鎮之報，其稱吉囊者，卽卜失兔稱其祖名也，其稱黃台吉，一克台吉者，卽三娘子之子不他失禮也。套裡差來達子者，乃虜王看守故巢頭目也。虜王一聞東使，心已驚惶，第須候其遣使認罪，然後多方計處，未可先遣使入，增其驕慢也。卜失兔由賀蘭山西行，隨帶家小牛羊，已至甘肅蔡旗等堡邊外，雖爲趨草駐牧之計，其實蓄謀叵測，內外勾連也。抄胡青把都把漢等首，移牧茄

連等處者。自南而北。欲過此月出邊者。由甘肅內地。返其故巢也。而抄胡妾男。又從北求入關門者。就其夫也。此皆甘鎮夷情。有自南而北者。有自北而南者。自北而南者。則當稱兵阻其來。自南而北者。則姑開路縱其去。大抵此時虜報紛糾。已如亂麻。而治亂解紛。當尋頭緒。此臣之所以日夜營營不遑寢食也。其河州之報。則稱火酋見在捏上川捉馬要搶者。驕虜盤據番地。傳播虛聲。使我隄備以牽制我師也。扯酋昏庸任人播弄。且火落赤敢于犯順。疑畏獨深。故誘

即南王也

扯酋

哄虜王渡河導之作逆情或有真而娘子受恩日久
與不他失禮忠順頗深其勸阻等因諒非全誣也其
謂火酋劄營講說要賞定規。邇年常送和好了就不
生事等語。此節年慣縱之故。而又以故智挾我也不
知今將剿之。安望討賞也。夫四鎮之塘報除延綏寧
夏撫鎮同心。或牽制套虜之西來。或力遏卜酋之求
索。恩威不失。塞事無虞。雖日有塘報。皆爲西事。惟是
夷情最難制馭者。在甘肅則流虜縱橫。巢居我土。不
能頓逐。今卜失兔。又借路矣。已行文該鎮鎮巡等官

多方論阻、阻之不從。則犬羊狂嘯、不得不擊之。以杖也。在河洮則火酋閃爍、牽制我兵、不敢怠防。今哨得火真二酋、忽往忽來、踪跡詭秘。我兵必不可爲其所致。容臣少假歲時、多方計處、必不敢忿一擊之力。失萬全之策。第督撫無人、同心鮮助。又臣之所以日夜皇皇、寢食不寧者也。再惟虜情多詐、邊將鮮謀。自河洮失事之後、哨探人役、雖日報虛聲、細偵虜情、未敢有侵疆實事。且甘固去京師數千里之遠、若有警不報、則坐失事機。若無警妄報、則惑人聞聽。此其關係

聲息支傳亦邊臣掣肘之一端也

於疆事者匪輕也。繼今嚴行邊將著實偵探不得憑
信夜役綽風塞責使我外有牽制內難隄備一應塘
報臣酌量事機悉心計處期于平靜地方而已

收復番族疏

收復番族

臣竊惟洮河與河西一帶族番環列種類寔繁除生
番勿論外其屬番雖性習不同與編伍少異然奉令
趨役固無殊于蒼赤也以故我祖宗朝經略西陲率
先番落易茶納馬曲示羈縻且建寺賜勅封以國師
名號因俗開教俾其爲我保疆二百年來諸番恃我

爲庇護我恃諸番爲藩籬虜有搶番聲息我卽傳諭
收斂我有沿邊警報番亦偵探架梁是以番有先事
之備我無剝膚之虞嗣因流虜垂涎諸番悉被擄掠
奉酪携酥或全族而歸幕帳群羊絡馬更奔命而供
需求取手信者敢毀邊以往寧顧納馬于天朝寇內
地者作嚮導以行肯逆乳虎于常道如近日洮河之
事可鑒矣蓋番雖異類別種其樂生惡死之情則同
其向依中國者以中國能生之其不得已而降虜者
亦以虜能死之向以沿邊將吏因番附虜置之度外

○如○此○則○是○聯○番○入○虜○也○○臣○之○計○無○過○此○者○
虜○內○入○捨○番○既○不○爲○排○難○解○紛○○誣○番○盜○馬○乃○爲○之○
讐○追○罰○服○以○致○諸○番○甘○心○於○虜○而○不○返○其○故○巢○也○臣○

奉命經略初至蘭州詳訪其故見得西陲失策無甚
於假道與虜無甚于弃番啗虜故堵截流虜方具疏

聞而招撫諸番遂行播告兩月以來屬番被虜於境
外者或番乘隙而脫歸或虜畏威而送返總計救復

族番盖三千二百有奇隨帶馬畜二萬二千有奇又

梁主事者公所奏請作積虛者也

若主事梁雲龍一經行賞而編兵作隊者二十有奇

而僉事萬世德於十二月二十四日始得親詣西寧

多方作用、嗣是而族番懷歸者尚多也、是皆仰仗皇上威靈、廟謨指授之所致也、

邊將因循積玩疏

邊報

臣竊惟全陝四鎮、惟甘固多事、而流虜爲害、獨甘肅爲然、蓋流虜騷甘肅者、其由有三、虜款之後、將領苟安無事、斥堠不修、牆臺未峻、虜易憑陵、一也、流虜借路用賄買求、一出封疆、便爲無事、且設宴以迎、飾幣以贈、有求必得、無欲不遂、虜之貪竇日開、二也、虜入侵掠、不行拒堵、虜已出邊、復貽重賄、故朝搶掠而

夕饋餉。西蹂躪而東金帛。士氣日消。虜情日縱。三也。
積玩若此。虜何所憚而不借路不侵掠耶。更可恨者。
失事則隱匿不報。無事則爲虜張聲。稍有微功。則肆
爲矜伐。臣奉命經略。深知此弊。故流虜借路有禁。諸
將委靡有禁。至于邊垣斥堠。亟行修築。有示今臣入

河西三月矣。驕酋已剗。塞虜遠移。五郡一時可謂寧

然虜王雖有東歸之信。猶復遲遲。費經畫而後返。

謐。今虜王感畏恩威。已遣使求路。刻期東歸。惟是地

也。

方將領哨探一節。大有關係。而邊將積習。牢不可破。
其意若以爲虜馬果至。則謂我已哨報。無奈衆寡不

支虜若無踪。則謂虜本入犯。因我有備遠去。殊不知將官可漫然而傳。督撫則未敢忽然不信也。蓋聞聽一亂。調度必錯。臣實慮之。故任事之初。首以爲戒。申嚴號令。不啻再三。及于類報虜情疏內。亦備言之。臣歷任邊陲。先後二十餘年。習知武弁狡態。故每事審酌。不輕憑信。如去冬臨河遊擊原進學塘報。十二月初七日。扯力克吉囊永邵卜三枝達賊七八千騎。聚結擺羊戎劄營。吉囊達賊三千。住杏兒溝腦。遣精兵五六百。直撲黃河。要犯河州等情。臣以爲扯酋方遣

使認罪、釋絡不絕、吉囊闖邊、甫遭大創矣、奚爲不數日、而又犯河州、隨委原任總兵劉承嗣等、親至所報地方查勘、自西寧以至洮河一帶境外、並無虜賊情形、其他沿邊將領、報虜結聚、聲言入犯、及火真二酋、將犯洮河、種種虛妄、不可盡數、若非臣熟思詳審、堅持定見、則士馬勞於調遣糧餉糜於坐費、倉皇失策、爲虜窺笑、臣竊謂目中虜情在火真瓦剌等酋、或先年戕戮副將、或近時侵犯河洮、罪大惡極、法所必誅、臣調兵集餉、議勦業有次第、惟俟虜王東歸、即可相

機舉事在套虜卜失兎遭剄之餘竄跡西海節據塘

諸部情形不可不悉故詳載之

報火真等曾亦畏威遠徙莽捫二川似無虜跡在松

虜著力兎與賓兎妻安居巢穴且將先年收捨番族

相繼送回益見恭順雖宰僧流牧西寧境外乃聞卜

曾被創卽冒雪山之險宵奔西海近亦受卜失兎之

托遣使赴臣代懇寬容認罪俟講罰事完卽與卜曾

一併回巢臣已容其講處俟虜使再至另行操縱外

又據延鎮巡撫賈仁元宣諭套虜得卜曾母太虎罕

中故不張

同回書亦已爲子服罪在莊禿賴已至甘鎮邊外繼

賈撫亦有奏疏一書以其事皆詳于鄭公疏

見卜曾失利旋卽東回據報已同青把都抄胡把漢刺叭等會徙帳鎮番境外昌寧湖迤東矣此皆甘固虜情大較哨探極明而耳目極真者也又若諸番向爲虜用臣多方鼓舞極力招撫向也屬番附虜相率爲生番今則生番背虜投我爲屬番據贊畫部道等官及西寧兵備所報收穫生番四十餘族所統番衆已二三萬餘計矣臣俱分別賞其頭目給之白旗劄付以示安撫復懸賞鼓舞令之趕馬殺賊各番無不懽呼踊躍期破此虜見行該道查議中馬事規俟議

定另行疏請而河州族番且有擒斬來獻者是皆宗

社寵靈

皇上威德故兵威一振膽落百蠻殊非地

傳以亂軍初違者以治也

方文武官員所能致力於其間者也

收復番族疏

收復西
寧番族

公屢上復番之疏制虜併境得力固在於此

議照兩河環居皆番而河西為甚河西四郡皆番而

西寧為甚蓋緣遠連青海近接河湟古先零罕開遺

種在焉其於匈奴種類既殊住居各異故甘肅一鎮

北則匈奴南則羌番漢稱河西五郡斷匈奴右臂者

以虜不能越此而南牧也祖宗畧地西陲緣俗立教

加意諸羌。故大建梵宇。特賜專勅。擇番僧爲衆推服者。大者國師。小者禪師。其諸豪有力者。或指揮千戶百戶。各授有差。今各寺崇奉勅書。及原頒金玉印章在焉。其指揮等官。遍滿番穴。歷歷有據。又以諸番資茶爲命。故許納馬中茶。以示羈縻。其納馬中茶者。謂之屬番。遠居荒塞者。謂之生番。屬番無異編民生番。雖不敢內嚮。而所資茶篋。則轉資於屬番。二百年來。分方住牧。內外相安。若時有跳梁。或撫或勦。旋即安定。其松套諸虜。雖嘗垂涎搶掠。然以甘鎮斥堠連絡。

虜卽潰牆而南。畏我乘之。旋卽宵遁。且虜敢搶番。番亦殺虜。利害得失。亦略相當。故番人爲我保疆。無敢異志。自款貢以來。虜王南牧。許之借途。因而收番。此後虜騎。因仍不爲禁制。遂致虜縱蹂躪。番失憑藉。子女牛羊。皆虜所有。生死予奪。惟虜所制。日招月引。番安得不盡歸之虜也。以故虜舍故巢。率趨西海。豈獨水草豐美。寔以諸番可利。初尚利番之財物。繼則利番爲爪牙。久之則利爲心腹矣。洮河之事。爲虜嚮導。番也。先鋒。番也。蓋虜驅番以掠漢。而其禍本胚胎。則

漢爲虜而驅番也。臣謬叨經略，自抵蘭州，博資羣議，

細問積弛，皆謂番虜交通，大防已潰，外而兩川、西海

據報緩急，宜因在于此。

內而四郡、河洮，何地非番，何地非虜，驅之不能，招之

不可。蓋驅番則明以予敵，招番又恐陰爲虜應。卽地

方官員亦謂此輩浸淫日久，必不可招。招則引賊入

室，難與共居。將付之無可奈何而已。臣反覆熟計，竊

謂番虜之勢不分，則心腹之患無已。故欲蕩兩川，須

清西海，欲清西海，須鼓諸番，乃大修播告，廣詢羣策，

番人附

乘其極困，誘以真情，畧其往愆，開之新路，乃各番遠

近傳聞風聲感動始而爾加七族自虜逃回既而紅
帽一族賓妻送返臣自恭疏具題之後卽至西寧凡
番首投見者皆進之臺階撫以善語慰其苦楚賞以
口食各番無不感激泣下願歸故巢奮勇殺虜者臣
益加鼓舞今據西寧道所招過七萬四千七百一十
餘名分守道自虜送回一百餘名分巡道招過三千
八百五十餘名莊浪道招過一千六百餘名肅州道
招回一十二名以上共招過八萬二百七十餘名各
呈報前來而西寧一道獨多且條分縷析部落有數

中馬有額。安插有所保護。有方。不惟屬者復歸。卽生
者亦附。不惟番慕義而逃歸。卽虜亦畏威而送返。千
里之藩籬。旣撤而復樹。數萬之戎羌。旣叛而復歸。從
此土宇如常。邊疆無改。戎羌按堵。胡虜不侵。張天朝
之靈寵。恒國家之盛事。所仗賴於皇上之恩威。
誠不淺也。臣尤訪之士居士人。謂收此羌戎。可獲六
利益。番不附虜。虜必讐番。虜旣讐番。番益叛虜。其約
旣解。其勢卽分。虜旣難侵。番亦易制。利一也。虜越甘
涼。惟番是掠。今我保番。番氣自壯。或偷趕虜馬。竊殺

此番處分合之情狀。然可見

虜級使虜不寧居。流寇自息。利二也。羌富畜牧。觔角皮革。可供軍需。利三也。牛羊鬻酪。繹絡來市。邊民財貨日通。閭閻無匱。連年殘壞。可以甦息。利四也。山林通道。樵牧來往。番漢無猜。小而薪爨。大而材木。源源資給。利五也。我既示恩。番必懷感。日與土人相親相睦。不出五六十年。與西納等族。俱可化爲良番。利六也。而其安危喫緊。尤在於番虜勢分。虜難深入者。此皆事理易見。土俗之人。俱能言之者也。

修內治以安邊境疏

募衛鋒

募衝鋒夫兵能衝鋒者其氣力智勇與衆不同其

貪淫輕生亦與人大異故朝廷之爵賞富貴所以

易士卒之命也然死亡常決於眼前而富貴難必於

身後此士卒之志爲可悲也今之募兵何其輕也夫

器。藏。則。價。賤。價。賤。則。易。售。招。易。售。之。兵。爲。省。餉。之。計。

愈。省。愈。費。愈。招。而。愈。無。益。非。所。以。爲。智。也。夫。六。駿。能。

食。猛。虎。使。與。駑。馬。等。焉。則。誰。甘。爲。六。駿。哉。且。河。州。招。

兵。十。可。三。四。洮。河。招。兵。十。無。一。二。職。見。洮。州。盛。夏。大。

雪。五。穀。不。生。惟。有。青。稞。大。豆。耳。豈。人。生。所。願。到。哉。每。

月兵糧或五錢七錢。又常缺文三四月。自顧衣食不足。況妻子乎。夫衣食妻子無靠。責之舍命赴敵。是古今決無之理也。先臣王瓊疏謂古人防邊。多以步戰取勝。近年都御史孟春在宣府。列步陣以却虜。總兵王勛在應州。督軍下馬步戰。而虜不敢近。自後於追逐勢小。達賊去處。多設馬軍。於虜衆必由。可以遏截。阻挫去處。多設步軍。信斯言也。則步戰不可盡非也。如用步兵。必須揆牌利斧。惟求其便捷。足以破虜而已。何必拘南北遠近哉。餌香而魚至矣。餉厚而數千

里之硬卒至矣。故衝鋒之兵所食必一人兼二人之
糧所騎必一馬兼二馬之價而後可也。該臣卷查先
爲召募精銳以備先鋒以安邊境事。准兵部咨該巡
撫葉夢熊題稱貴州苗夷驍勇可用欲募三千以充
先鋒可當十萬之衆每兵月餉銀一兩器械馬匹到
鎮後俱係官給竝無安家銀兩等因題奉欽依行臣
酌議具奏隨經備行該鎮查議去後久未回復今本
官復以召募步兵爲請且欲優其餼養以款其來無
拘南北遠近等因蓋意在苗兵也緣本官巡撫貴州

見其可用故言之親切相應聽該部酌議或南或北漸次酌量召募以收外攘內安之效伏乞 聖裁

收復番族疏

收復河州番族

據贊畫員外梁雲龍呈稱本職會同贊畫僉事萬世

前蒙所收者西寧番族此確所收者河東番族也

德覆議看得番有生熟均我藩籬招之云者將以安

錄經略會駐劄西寧不曾駐劄河東故收復此番載

之將以來之又將以鼓之也何謂安之蓋諸番歲遭

於畫呈稿也

荼毒不能自存威脅勢驅甘心附虜我今招之夫固

憫其往過獎其自新以安其心聯其族屬嚴其守助

而適當虜衝者則又量築堡寨以安其生是謂以招

之之道安之也。何謂來之。蓋諸番固有原未中馬。各爲黑番。多所作梗。亦有被虜搶收。爲其爪牙。陷身異域。我今招之。正欲其陷在虜中者。聞風投歸。解散虜黨。其或生番情願內屬。則准令納馬給茶。堅其向化。是謂以招之之道來之也。何謂鼓之。蓋諸番怨虜入髓。無不欲殮其肉而枕其皮。特中國不肯爲其作主。我今招之。正欲伸其宿憤。作其忠勇。有能協謀格虜。不拘生熟番夷。俱照漢例陞賞。是謂以招之之道鼓之也。河東生番。雖不若西寧衆多。然其切近莽捏兩

川逼臨虜穴不問生若熟而皆劫於積威則招之固

不可後於西寧也者職雖未到歸德然徧歷二十四

關深入番巢視其瓊幕僧番婦女羅列滿前一加拊

循無有不感泣思奮者又嘗督令遊擊原進學將韓

恩等原領番兵編爲隊伍花名在冊固一一可稽者

茲據臨鞏道呈稱會同總兵官收過生熟番人共八

十七族部落二萬一千三百七十名除熟番達子州

哈順等六十三族原係中馬照舊准中外其新招生

番爾加加等并虜營逃回思打令等共二十四族部

落共五千三百一十名。願中馬四百九十五匹。俱經遊擊原進學譯審覈實。則亦非妄報者。且收番豈無益於河東哉。附境保關。屏蔽內地者。此番也。哨虜虛實。爲我嚮導者。此番也。致虜驚疑。草木皆兵者。此番也。徂秋入捏川。燒火酋建寺木料者。此番也。今春入莽川。剿火酋遺孽者。此番也。撲路趕馬。聲東擊西。火真夜奔。帳渡河。而兩川頓空者。此番也。達子州等諸番。今願於歸德。西走水田地。築堡耕種。則控河腦而捍歸德者。又此番也。夫番之不可不招如此。招番之

收效取券如此。而雌黃者何爲也。有謂番原中馬。無事於招。殊不知招之原非費我宅里衣食。不過護救撫存。况年來番夷殘破。馬不及數。調番不至。土人代中。馬匹淪斲日久。將使番盡不來。此豈可無招乎。有謂番與虜通。不可與招。殊不知招之猶且通虜。若果不招。不幾於藉寇以兵。而剝牀以膚乎。有謂番虜同類。難以隄防。殊不知番各有族分頭目。我給頭目以印信。執照而出入。貿易必稽。何難防乎。有謂殺盡醜虜。番自爲用。何事於招。殊不知虜假番翼。遠阻番地。

番而不招。虜何由殺。且自古及今。虜可盡殺乎。有謂
媚虜未已也。而又以媚番。夫虜誠不可媚矣。乃若番
目來見。微賞茶篋布疋。默寓激勸。夫亦何害。而其自
虜逃出。萬死一生。量賞青稞銀兩。略加存恤。所費幾
何。且散虜一黨。猶愈殺虜一級首級。賞銀五十兩。而
逃歸小賞。顧爲媚乎。有謂稱萬稱千。誰爲點查。夫萬
千雖未經查點。而其部族大小衆寡。土人固所共知。
且招以中馬。非以審編。我只查其馬額。又何查其人。
數乎。有謂招番過多。茶無從出。夫茶而取足於地畝。

則茶或不給也。今茶出於商，不拘於地。假如納茶十
篋，以五入官，以五酬商。番馬既多，則茶利盛行。茶利
盛行，則商販愈集。以山澤無窮之利，而易大宛有用
之種，又何慮乎。凡若然者，是皆未覩其要而漫爲是
言也。至於洮州四面皆番，而西北當莽捏川腦，居恒
弃番不收，則虜報且不聞。何況捍禦而揚脅土官各
有信地，不爲增其兵，使足固守，不爲嚴其禁，使與虜
通，則又舛矣。職等熟思經畧西陲，只有兩語，曰招番
乃所以驅虜，驅虜卽所以安番。夫招番驅虜，則不假

兵力而妖氛自清。驅虜安番。則不煩桑土。而保障孔固。捨是無長策矣。河東河西事體相關。西寧等道所收番族。已經具題。今臨鞏道所報收過番族。亦應照西寧例施行等因。到臣。臣會同巡撫陝西右僉都御史葉夢熊。議照鼓舞番族。臣欽奉敕諭。明若日星。故經畧西陲。此爲首務。今番衆日歸。虜黨日散。雖有陷溺虜中。爲虜心眼耳目者。尚繁有徒。大都天恩宣布。羗戎回心。番固離虜。虜亦疑番。附虜之番。固不勝歸我之番。卽有作奸逆虜者。番利我賞。亦爲我報。此收。

番明效也。其在西寧各道收過番族，臣已具題。惟是河洮地方，臣尚未到，招徠番族，臣未面審，復行贊畫。員外梁雲龍僉事萬世德會同查議，據呈分析事體，破除疑謬，似已無遺。其收番之利，與善後之圖，制馭之法，臣已備陳前疏，無敢再贅矣。

類報四鎮虜情疏

四鎮虜情

註分各鎮情，探虛實，所開机畧不小，故此疏復及

臣竊惟陝西四鎮延綏北鄰河套大虜爲巢，而寧夏

之松山次之。甘肅北接松山，南鄰青海，俱係虜巢固原

河洮，則地屬腹裏，祇以歸德不戒，虜入兩川，自去年

五月以後、深入河洮、然後警報頻仍、是河洮又次之
今數月以來、節據總兵張維忠時時塘報、虜訊寂然
雖犬羊馴服無異、而該鎮之整暇、駕馭之得體、不可
泯也、甘鎮則流虜爲梗、往哨報人役、遙度亂傳、時有
之、自臣申飭以後、哨夜遠入虎穴、有言必驗、似無虛
捏矣、在西寧一路、臣提兵駐劄、而遊擊魯光祖、祁德

靖重此處總見收

香之利

等官鼓舞諸番、偵探旣便、耳目尤真、海虜情形、似當
以西寧爲主也、河州地方、離歸德七百里、歸德之西、
始爲黃河、黃河之西、始爲青海、青海之南北東西、始

是虜巢。故河州哨報虜情。惟歸德一堡當番虜交通。頗得情實。至於洮州。離莽規二川却近矣。乃官不招番。番不用命。虜情消息。反借聽於河州。是河州借聽於歸德。洮州又借聽於河州。以訛傳訛。夜役聞風。以誤將領。將領安得不聞風。以誤上官。此洮河之報所以難憑也。至於延鎮哨報。事皆有據。蓋時當款貢。消息易通。其卜失兎調兵。讐殺瓦刺。據該鎮所稱。固云真偽未的。以臣料之事。非無據也。蓋虜王西牧。原係卜酋要結。共讐瓦刺。去年卜酋以祭祖回套。乃火酋

虜部。從此乃我之大利。

勾引虜王。遂有河州之事矣。繼而卜酋再來。乃遭大創。徘徊海上。進退無據。近二月各酋會事東歸。舍遍都而欲由川底者。已明言其圖搶瓦剌也。今延鎮哨報卜酋調兵消息。與夷人求路之時。供稱一律。是延鎮調兵之報非無據也。夷情變詐。不可方物。今躊躇狼灣。瞻顧狐疑。旣以年荒無費。不能必逞。又以瓦剌有備。不敢前進。且扯卜二酋。心桀口強。雖肆惡未忘。而婦女部落。畏禍思歸。實掣肘未便。今復遣使懇求由鎮羌矣。扯酋一出鎮羌。則群酋相繼遁去。卽瓦剌

不能讐而調兵是亦詐也。若夫虜王稱歸不歸其故多端有難細言者。顧臣細言之於虜情則涉於回護於邊事則似於支吾。臣老矣死卽死耳何故說謊昧心取世譏笑。今虜王之歸屢期未驗其中委曲緣故臣亦厭言之。第所謂其情順服必無異志其歸激切必不久留者臣策之已熟卽今雖有狡猾間阻忌功惡成者必不能挽虜王之東志也。第其犬羊散逸必欲收復乃此去彼來朝聚暮逸如真相台吉自正二月間卽聞收聚一處欲携之東今將長發而又逸去

是虜王固自有掣肘難行之事矣。夫虜王不去，則西海不清。西海不清，則經畧不了。是臣之自爲計也。惟少需月時，容臣逸以待勞，靜以制動，期收完策。臣所以朝夕圖維，矢心報國，觀者當要其終可也。夫何將吏當久欸之後，持喜事之心，設變詐之機，要功名之會，謂不罪虜王，則兵不可起，兵不可起，則志不可遂也。乃乘虜騎之未歸，捏聲息之虛報，不謂秋高必大舉也，則謂火真二酋又還莽覘也。人心搖惑，雜議煩興，非臣少有主持亦手足無所措矣。惟是邊臣各有

職掌封守各有疆域當此秋訊之期正邊臣待戰之日虜情之順逆調兵之虛實俱不足深察而細辨也惟是在甘肅則流虜路斷奉有嚴旨矣沿邊一帶慎守隄防使松套諸虜敢蓄狂謀則稱兵堵截責將誰諉勿曰水泉之捷卜酋復讐寡衆不敵復罪首事也此甘鎮撫鎮之責也其在固原則莽倪二川臣仰仗天威火真二酋已遠遯矣慎守歸德遏其南渡策之上也遏之不能稱兵拒堵使洮河之地堂奧無虞策之次也若不能堵於未渡之先又不能剿於既

犯之後。是無策也。勿曰莽川之捷。火酋復讐。路險兵微。無可柰何也。此固鎮撫鎮之責也。至於松山之虜。寔在賀山後。安收無他。則宜照常市撫。惟是戰守之具。桑土之圖。則當旦夕不忘。但未可無病施鍼。虎張撻伐。以撩蜂尾。以試虎吻也。此寧鎮撫鎮之責也。至於延綏一鎮。則更有大煩經畫者。謂卜酋逆耶。然群虜之保塞如常。謂群虜順耶。又卜酋之調兵有據。此一時也。謂之無事不可。謂之有事不可。故必暇豫以羈縻之。不宜輕露以撻伐之狀。又必權術以制馭。

之不宜輕縱其踣躅之謀。使群夷無異固與相安。少
有西馳消息。卽當一面飛報甘肅。一面多方諭阻。或
說難以伐其邪心。或稱兵以攻其必救。使延鎮旣稱
寧謐。而甘鎮亦不騷擾者。則延鎮撫鎮之責也。至於
宣大山西。是在臣經畧之中。然數千里外。曷能遙制。
雖防秋之行。臣已照常申飭。乃該鎮督撫。職司攸存。
無恃撫而怠防。無輕兵而挑釁。虜王未歸。則牽制其
必歸。虜王旣歸。則駕馭其無譁。環塞群夷。犯約必懲。
闔邊必戮。無牽制於貢市。無曲徇其求乞。恩旣不褻。

威亦不猛。是該鎮自爲計也。乃若臣則左顧右盼。東號西呼。旣當驅大虜之東歸。又當兵火酋之遠遁。九卿會議。明旨孔赫。臣之責也。固綱維于七鎮之中。

而實艱難于七鎮之外者也。臣不敢以自諉也。臣復念聖王制馭夷狄。惟在恩威迭用。邇臣宣布恩威。不過撫剿兼施。專主撫則無威。是陵夷之漸也。專主剿則無恩。是釁隙之媒也。噫。猶可言也。乃若樂無事者。一味媚虜。且狗虜以無厭之求。而後虜志驕。卽徼倖於三二年間。苟且一官。而貽邊方委靡之禍。是臣之

所深耻也。喜功名者，又一味嗜殺，且甚虜以未形之罪，而後虜情失，雖可以耀時人之目，而爽好事之口，是結禍無已時也。又臣之所甚懼也。臣總督十年，兩封虜王，似主撫矣，而恩未敢褻，經畧兩河，再成微捷，似主戰矣，而武不敢黷。凡若此者，臣爲國家思長遠之計，爲邊疆圖和平之福，大都苦心極慮者，皆恪遵廟議也。

威激天恩，責成委任，直陳邊計疏

邊計

臣自去年十月初至金城，知河西四郡，邊隘陵夷，流

虜往來浸淫莽捩殊失前代斷匈奴右臂之意。故廓清兩川。須先堵截流虜。流虜既斷。然後松套群酋交結不通。海上流夷不攻自解。復思虜中名王七塞夷情。視爲向背。臣遵奉明旨。辨別順逆。此爲關捩。且火酋入犯。實仗扯酋逆跡旣彰。臣曷敢曲爲回護。但犬羊醜類。見利必趨。河州之犯。誰辨雌雄。今欲分別順逆。則必審察情形。權衡操縱。夫使臣入陝之時。扯酋猶敢默然內訐。或驚語要挾。或掠番薄塞。是怙惡不悛也。是叛逆情形無可原也。是已潰而卒不可收。

拾也。臣安敢以逆爲順。縱寇養亂也。惟是臣初至莊浪。虜王認罪之使。朝夕叩關。臣繼至湟中。虜王引咎之書。繹絡而至。臣與河西各道。及贊畫二臣。公同面審。據其虜使執稱洮州之事。虜王尚在甘州境內。原不相干。惟河州之事。因先王收下番族不送。添巴隨行問討。不意火落赤勾引誤入漢地。此其形跡。似有可原。及其遣使送還人口甲馬。又諱言部落搶掠。惟稱于火真營內搜獲。惟認罪乞恩。稱天說誓之外。別無驕語。借曰陽順而陰逆也。臣且幸其有順之跡。而

收之以入我牢籠。彼陽順而我陽撫之。彼陰逆而我陰隄備之。我且得乘暇爲桑土之計焉。實不敢招入筮之放豚。束入籠之飛鳥也。惟趣此扯酋歸還故巢。此酋還則套虜。卜酋松虜宰酋。及流牧海上巢爲樂土者。臣皆次第而提携之。使各解散。則海上作惡之夷。旣不敢影射潛歸。又不能假借聲勢。然後相機取事。且使後之怵撫。鼓舞諸番。蚕食遺孽。庶幾西海波清。兩川塵絕。不惟河洮臨鞏從此安枕。而祖宗建設河西。爲匈奴斷臂初意。庶幾可復也。臣經畧庶幾可

報命也。寔不敢一槩稱兵。斷諸酋之歸路。待虜王以必死也。語曰。困禽覆車。臣實慮之。若搏此窮寇。使之招號七塞。大聚豺狼。能不厯宵旰憂乎。縱使臣提十萬之衆。安能橫行匈奴。驅逐數萬之夷。於大荒窮漠之鄉。使之馴然各歸巢穴乎。惟是虜王稱歸未歸。套虜言去不去者。蓋以犬羊依附。兔死狐悲。彼海上諸酋。見臣提兵湟中。各懷疑畏。且卜酋一創。大喪行李矣。火真等酋。不容伏罪矣。彼又見虜王大部求歸。黨散勢孤。難以存立。故千方百計。惟挽留虜王。遲遲其

歸少與秋高馬肥行者便於馳驅居者便於逃遁自

爲緩死計耳虜王旣不敢背

天朝之恩留滯不去

○廿○後○虜○王○終○于○東○歸○則○其○是○同○者○或○亦○在○于○此○非○也○臣○之○所○論○說○也○

又不能割犬羊之情勇於速去故今日請扁都明日

由川底乞憐支調詭辭深藏耳且旣係夷情故臣隨

事奏聞以舒 皇上西顧其實扯酋遠伏狼灣不敢

掠番不敢犯邊不敢求索不敢驚語臣亦料此酋雖

緩我日時到秋必不敢留住必不敢輕犯 天威必

不敢復懷異志也今松虜阿酋歸矣宰僧卜失兔相

繼求路虜王西哨大成妣吉亦出口矣東虜套虜松

虜三大部一時齊驅且鎮羌一口勢不能容數萬之

分發三部亦有區畫

馬臣復便宜酌處諭令松套二虜部由鎮羌虜王全部由白石崖名雖分路以便其歸其實離散以殺其勢今日夕可俱出矣三虜既歸則海寇縱有餘孽臣既不容其認罪又復斷其市場俟哨探明實出兵取事如果宵遁勢難窮追然必懸萬金之賞於軍民播必誅之聲於番漢彼大酋假息遊魂耳復敢入兩川乎臣之經畧惟此伎倆耳無他奇也臣見虜王之乞哀與贊畫二臣私相計曰虜王款貢二十年今負罪

引慝別無驚語、卽使吾輩計縛此虜、生致闕下、皇
上天德包涵、赦過宥罪、必不以爲鑿鼓、因仰思我
太祖封買的里八剌事、及我成祖封阿魯台事、可
以相証、非謂媚虜縱虜、皆出於二聖之成算也、夫
祖宗貽謀弘遠、一言一動、曷可不爲萬世法、臣伏念
皇上敬天法祖、聖祖耿光、大烈明若日星、封虜許
貢、有何忌諱、何不可援引爲皇上言之也、臣每念
防邊之事、不過戰守及撫三事而已、戰守爲經也、撫
爲權然、言戰不可舍守、言守不可舍戰、言撫不可舍

戰與守非戰則忘守守則忘戰撫則不戰不守也。

經略西陲解散群虜疏

解散羣虜

此疏前後情事備載觀之了然

臣洛奉命經略名雖七鎮寔重兩河大要主於驅逐西牧諸虜以平定甘固奠安關隴任至重也臣受事以來恐恐焉不能奉揚天威善用撫剿藉令策虜無術祇憑用賄則上辱國體下喪身名死且不贖矣故久駐湟中力圖戰守驅此驕虜策其必去決不輕易用撫自褻天威第虜情變詐遷延日久乃自七月以來東虜順義王套虜卜失兔等酋始自海上拔

帳出邊各歸巢穴矣。其頭目部落馬駝牛羊大較之數。已經陸續具報外。但虜之所以不肯速歸之故。與虜之所以不得不歸之故事。狀多端。致滑觀聽。臣若不一明言。是使皇上天威無由昭。而臣區區微衷亦無由白也。臣敢不惜避諱。據其始末。從實爲上陳之。爲照青海地接崑崙。僻在遐陬。祁連焉支。此爲故壘。水草豐美。山川寥闊。自昔匈奴視爲樂土。自漢開五郡。斷其右臂。然先零罕开。時有勾引。大都青海番虜爲巢。自昔記之矣。我太祖斥逐北虜。經略

西陲。卽命宋國公馮勝取漢武帝所開河西諸郡。以復古斷臂之意。則此河西也。東起金城。西抵嘉峪。雖爲一線之路。然北抗強虜。南護羗戎。豈不塹然華夏一大防哉。成化以前。時亦闖入掠番。然旋即逝去。大防固未害也。自正德年間。亦不刺徙居於此。破安定。四衛竊據青海。併吞番族。甘肅一鎮。遂稱多事。乃始有海虜之名矣。先臣彭澤王憲王瓊等。先後經畧。迄至嘉隆。弗克殄滅。然番犄其前。我角其後。大防亦未決裂也。未歛之先。虜王俺答亦曾來收遺。有永邵卜。

叙青海踰據虜族未爲詳明

一枝嗣後西牧又遺丙兔及火酋等部丙兔死其子
真相台吉深入莽刺川繼而火落赤結巢掄工川然
猶僅僅數枝耳惟是甘肅假道不絕松套二虜往來
自便故河套之卜失兔莊禿賴抄忽兒青把都松山
之宰僧阿赤兔着力兔切盡黃台吉大小各枝數十
酋長引類呼朋此來彼往以海濱爲貨利之藪視仰
華爲極樂之國以致懋息兩川窺伺河洮是使匈奴之
臂已斷而復續番虜之界一撤而難防甚至甘永之
間虜幕雜於城外莊涼之地道路幾于不通浸淫不

仰華者僭答造寺祀薩之禮也

已則其禍殆不止於去年河洮之患而已。臣奉命經略比至金城。面商督撫。咸謂兩川蒼莽萬山險阻。且有諸番爲虜心腹。爲虜耳目。兵未集而先知。事欲舉而預報。羽翼旣成。黨與難散。臣寔苦之。是不惟西海流虜未易驅逐。卽兩川之虜實難解散也。臣自去年十一月。率衆渡河。細察地利。又經由于沙井紅城莊浪武勝之間。見北虜南番相望只尺。彼易馳驅。我難防範。在夷虜自謂坦途。在將領視爲常事。臣竊謂堵截流虜必不容已也。然必開其返北之途。解我一面。

之網。庶幾乎非閉門擊犬也。於時闖邊之虜必殺。住
內之夷必逐。抄忽等酋相繼引去。甘肅沿邊似有界
限矣。惟是卜酋率衆臨邊。欲趨青海。總兵張臣提兵
防範。且諭以明禁。冀其退還。犬羊獐狝相持月餘。我
軍暴露。極爲苦楚。臣乃密帖總兵。謂卜酋諭旣不從。
縱又不可。卽當撤兵回堡。歛跡暗伏。旣以休息軍士。
亦便攢喂馬匹。俟其闖邊。則併力一擊。以示懲創。庶
火酋旣堵。則群酋知懼。海上之路。或可斷絕耳。旣而

非得此一創。則蟠結之勢不可得解。

此酋訂來。我兵奮起。舉其平素所恃獷悍。所積輜重。

所張坐纛盡行喪失。僅以身免。於是諸虜創者落膽。聞者驚魂。近塞諸夷無不遠遁。北者欲南而畏我堵。截南者欲北而畏我伏。兵臣復遍發諭帖。曉諭在巢住牧之夷。使知卜酋自取之罪。以防其驚動。杜其連結。阻其借路。而後各虜馴然順服。於時莊酋新自套來。觀望卜酋之後。遂驚魂遠遁。匹馬不敢南窺。而虜王夫妻共圖認罪。黃酋部落互相怨尤。是以悔過之使再來。求歸之計始決。此時猶屯聚海上。逼近湟中。臣令贊畫僉事萬世德先入西寧。預行部署。臣今年

正月十三日與員外梁雲龍偕行深入時虜候騎夜驚諸部紛擾各携老小資囊畜產委弃而逃三日夜始定其婦人孩提有驚悸凍餒而死者虜王亦西徙二百里外乃以洮河擄掠人口送還且微覘我中動定併以凍死人口爲詞臣復之曰天兵集臨方以剿殺勿赦爾自驚潰而死中國何預焉虜唯唯而去此時虜雖言歸而住牧尚邇臣乃鼓舞番族多方作用張聲撻伐謂將三路出兵一由河州一由洮州一由西寧大兵將至兩川擒捕首先逆虜又發露布於松

藩以防烏思之逃遁。傳羽檄於川蜀。以遏大山口之衝突。乃火真雨酋。自知罪大惡極。戀住不能。跳梁不敢。計窮力屈。遂夜奔兩川。渡河北遁矣。此皆道路一斷。水泉一殺爲之也。當是時。虜王旣請乞歸路。送還人口。卜酋卽認罪受罰。進送馬匹。臣以爲必去無疑。故其請扁都則許。其扁都請川底則任。其川底請鎮羌則與之。鎮羌只以威靈可恃。計虜必歸。不復逆其變詐。只以虜衆必歸。秋高無事。不復計其延遲。顧四月以前虜以草枯馬弱。委係真情。五月以後虜之屢

乞支吾原多事故大都海上之虜二十餘年住居日

極言大虜之志西海

久如松套酉長雖時往時來然牛羊駝馬孳牧於斯

則其遲遲而歸亦足以爲功

部落子女生育於斯甘泉可飲茂草堪芻回視北塞

別是一大漠光景也蓋大海以西至於大小鹽池又

西北至於哈密赤斤又西南烏思西藏延袤數千里

廣漠無際野牛野馬易於打獵而西藏之寶刀奇貨

璫璫皮革服用所需種種皆西海所有而北塞所無

也今一旦逐而去之虜卽畏威不戀戀茲土能不戀

戀所服食也此猶其小也兩河境外東西南北皆番

也。番之健男少女驪駒酥酪皆虜有也。而又東窺秦隴南望松藩自大山口入川其番族之富視兩河倍徙也。虜所垂涎時有標掠也。今一旦逐而去之能不戀戀也。夫松套之首不能遽去。犬羊之群此牽彼絆。虜王安得獨先歸乎。觀其過邊之日牛羊駢馬何首不有數千。何部不有數萬。虜最貪利此物安能弃之而去。非深秋安能携之而行也。考之傳說胡有歌云。奪我焉支山。使我婦女無顏色。奪我祁連山。使我畜牧不得息。則知匈奴戀住茲方。今古同情也。故去虜

王易去套虜難去套虜易去松虜難何也。以地益近。巢益便也。至如火真二酋自我視之爲罪魁。自虜視之爲同類。當其犯河洮也。火酋挾虜王以爲重。直欲要市河洮。以植其不拔之基。虜王藉火酋以爲利。亦欲陰植黨與以廣其難圖之勢。聲勢豈不相倚乎。虜王送還人口時。固欲爲火酋綁獻罰服。火酋真酋亦各自遣番僧密爲哀訴。臣若肯聽其言。則海陬盤結之群醜可解。虜王之歸不俟今日矣。第臣奉有分別順逆之旨。不敢輕縱二酋耳。夫旣不與二酋之東歸。

而又不容其西牧犬羊依附。能保其與扯酋不牽絆乎。則其徘徊退託者。實欲俟秋高馬肥。便於馳騁。能敵則留。不敵則遁也。又如卜酋爲套中名王。擁衆西行。榆林止之不能。寧夏止之不能。甘肅止之又不能。督撫諭之不聽。總兵諭之不聽。經畧諭之又不聽。此何勢也。又何心也。乃重遭挫辱。又不能不俛首乞哀。認罰求歸者。是果何所見而來。何所見而罰。何所見而歸。亦何面目而見其套中部酋乎。則其趑趄進退。要捨瓦刺者。非真捨瓦刺也。不過捱遲時月。陰託講

求稍全其體面耳。此虜之所以不肯歸者，非無故也。

且夷虜多算，其意蓋以我兵既聚，難以持久，故延誤

日期，異我兵一解，猶可安牧如故。不知以臣愚料，各

此則所以我之緩制彼之急。

酋圍居海上，無路可通，且我兵原未多調，計餉尚有

贏餘，虜知吾河東河西無處非兵，而不知兵原未調

餉原未費也。若秋高馬壯，彼不敢逞，轉盼草枯，能不

懼我乘之。臣計此酋既戀恩伏罪矣，任彼跳號，必不

能出我牢籠也。臣細察情狀，則皆不敢臨邊，不敢搶

番，其遣使往來，唯乞路東歸而已。雖甘言不可盡憑，

而真情亦自難掩。臣故居以整暇。坐以鎮定。惟修治器械。召買芻餉。以示持久之計。分布兵馬。巡塞打圍。以張欲伐之威。諸番趕馬則賞。殺級則賞。以明必誅之意。火酋所恃者紅帽刺卜。則誘而出之以剪其爪牙。永邵卜所依者阿爾力番族。則招而間之以斷其羽翼。至於松虜阿赤兔一部。稱歸不歸。遣使乞哀。懼我伏兵。惟求番僧葛爾刺麻引路。乃敢出邊。臣遂招此番僧。引其速去。尚不意群虜商計。欲借此番講求行李也。臣窺見其奸。則大發震怒。斥逐此番。不許游

說而後虜技益窮。至於隨機籌應。頗得肯綮者。則莫
要於收復諸番。解散虜黨。虛虛實實。傳播先聲。六月
中。虜酋附番中馬。陰行窺伺。乃生番密報。盡數就擒。
諸酋自是懾服。不敢內嚮。卜宰二酋。自逐去。葛爾刺
麻之後。益含羞忿。彼既不敢乞哀。我又不可遣使。此
酋進退維谷。兩情不通。乃陰與火酋往來糾結。臣實
憂之。方籌思一策。令之解約。乃軍士巡邊。偶獲宰酋
頭目。擺言楊實。臣以爲殺此一酋。何濟邊事。徒以深
犬羊憤恨之心。固連結不解之謀耳。乃面解其縛。諭

以不殺而又陰陽其詞操縱其事。此虜奔告宰酋。宰酋歸誠遣謝。遂携卜酋相率渡河。不復以行李爲辭矣。虜王旣討撫夷官王英護送。却託王英領帶夷使四十人來講。欲引俺答故事。進貢方物。求開市賞。且請臣至邊講事。臣面叱諸夷。歷數其爽約之罪。謂爾虜王要歸便歸。不歸明白聲說。此豈爾講求市賞之時。進貢方物之日。乃跪王英於庭。備極責詈。故將夷使大爲窘辱。而又授計西寧遊擊魯光祖。將夷使計龍乘隙箠楚。令魯家土達擐甲持刃。環夷使欲殺之。

左右皆爲臣危。不知虜情在臣目中。不如此無以動其懼心。喝之速走也。此虜之所以不得不歸者。非無故也。乃虜王竟以臣之厲氣嚴辭。抱頭鼠竄。信宿不停。秋毫無犯。凡若此者。皆仰仗 皇上威靈遠聳。乾剛獨斷。寬臣文法。許臣便宜。臣是以得效區區耳。不然其能有濟乎哉。

皇明經世文編卷之終

皇明經世編

鄭經畧奏疏

解嚴辭所

天

平露堂

皇明經世文編卷之四百五

華亭

徐孚遠開公 陳子龍卧子

編輯

宋徵璧尚木 周立勳勒卣

宋家禎善先參閱

鄭經畧奏疏

疏

鄭洛

議修通海緊關隘口以弭虜患疏

修隘口

照得甘鎮迤南有爲虜所出入青海要隘而最當塞者扁都口是也蓋鎮南有山西起嘉峪關迤東而抵

於莊浪皆謂之南山卽古所稱天山也。或名祁連。或名大黃。或名馬牙。或名九條。總之乎天山也。山之勢綿亘聯絡限隔南北。此亦天造地設自然之險。而其往來海上通行便利者則扁都口。此口東西雖尚有白石崖寒鴉口江陵口榆木川諸處未盡無路。但諸口皆石磴崎嶇只容獨人單騎稍有雨雪冰滑難以馳驅虜所甚不便也。惟是扁都當口之處雖亦兩崖壁立而橫僅丈餘直無里許一出口以外四五百里以達于海。一入口以內六十里而洪水又一百八十

里而水泉皆平衍無阻。寬廣易行。則扁都口者。青海之要衝。虜行之孔道。甘鎮之咽喉。其爲必當修塞也明矣。且口內南山一帶。川原遼遠。水草繁茂。虜一插帳。不肯動身。自俺答假道以後。復於此口設爲市場。起有官廳。故不獨虜之盤據海上。窺我虛實。於此市賞於此駐牧。其由北逾海者。亦於此要賞戀牧焉。其由南山塞者。亦于此要賞戀牧。則扁都口者。乃引賊入室之候。徑其爲急當修塞也。又明矣。况此口橫縱只以丈計。以步計。因其天險。不煩人力。則其易修塞。

也又明矣。職等雖未詳於目擊。故嘗博訪人言。咸謂此口若行修塞。一則可以杜海虜內犯之謀。一則可以絕北虜南行之念。一則可以保南山耕牧。永無侵踐之擾。又安得而不亟議耶。合無准行該鎮各道。再加酌議。如此口果係急隘。卽當修塞。或謂虜王未歸姑容其歸後始行修塞。或謂此口係通海道路。故設木柞官廳。終不可塞。則似當重加修築。增設官兵。移洪水守備於此扼守。又當勘及白石寒鴉榆木江陵諸口。有衝隘處。築行議修。庶虜之往來。不得自由。而

吾之戰守永爲有賴矣等因到部具由通呈備咨前來又准臣咨爲議修緊要邊牆以便防禦事據管監軍事贊畫主事會呈照得狡虜自卜酋大創雖南北震怖潛踪遠遁然其陰蓄奸謀狂逞報復則無時而或已總河西四鎮而計之其所竊闖而先犯者不於寧遠則於肅州顧寧遠雖孤懸邊外逼臨虜穴然其城尚堅其兵尚壯易與爲守離內地僅二十里嚴哨預報應援卽至可保無虞目前所最可虞者肅州焉耳蓋肅郡西無燉煌藩籬已薄北無高昌肩背已寒

而沿邊鎮夷等處一百二三十里。又無墻垣。此與破屋禦寇何以異也。蓋其地礮土脆。難與修築。先年題議築邊。不得已編竹爲笆。中塞土塊。謂之夾把邊。隨築隨圯。蕩然不存矣。虜酋恃欸。大往小來。旣無華夷內外之限。而南有塘湖水草茂盛。遂爲久住戀牧之所。或跨占屯地。而居者不得耕種。或聚截道路。而行者不得轉輸。或要劫回夷。而天方諸國不敢入貢。或搶掠番族。而紅崖諸番悉爲一空。或微忿小隙。乘虛竊問。而驅逐以往。屠戮如麻。如萬曆十七年三月清

明城中男婦上墳祭掃被其掩襲擄殺以千萬計此皆無牆可恃故敢肆猖獗夫納款之時蹂躪尚然況被創蓄憾之際可無先備職等蓋嘗博訪該鎮將士求其所以修築備禦三策有曰不惜費燒磚包砌有曰不惜力二十里外取好土有曰惟挑壕塹深三丈廣三丈內爲女牆爲城堡爲墩臺使相聯絡又於壕邊雜種樹木樹木旣成與壕塹相助自足制禦夫此三策皆出於本地之人豈盡無當則其於修邊之議未爲無補合無准行該鎮道將等官再加會議務求

一勞永便以守則固以戰則利不獨一時經畧之權實則百年保安之畧也等因到部備咨到臣准此案照已經備行該鎮查勘去後今准前因臣會同總督陝西三邊軍務兵部尚書魏學曾巡撫甘肅右副都御史賈待問議照設險禦防乃邊方要務增葺墩堡實保障良圖甘肅遠在西陲虜番夾鄰南北雖有邊隘烽火多未周悉是以哨報失實隄防欠預重貽當事之憂深爲地方之害扁都口爲海套諸虜通衢白石寒鴉榆木江陵等處係各虜竊犯要衝委應先行

修塞以杜各虜往來。但扁都原有大河一道。旣當築
閉其下。應留水洞。必須寬闊。夏秋水大。防禦頗易。冬
深冰結。隄備爲難。謀於土營子。墩設官一員。撥軍五
十駐彼守把。甚屬便益。及查肅鎮邊垣。旣各官踏勘
地多沙石。有水無土。人人俱稱不便。要於邊外添築
墩臺。以資瞭望。似應准從。其肅州照壁山地方居民
屯地在彼。向因虜衝。致將膏田多有遺棄。今謀創築
一堡。添官撥軍。一以保障生靈。一以有裨耕作。其餘
創築墩臺邊柵。亦係緊要。相應題請。

恭報大兵直抵西海徧搜兩河疏

搜兩河

爲照青海番虜雜居其來已久惟自俺答西牧之後

方俺答請建夷寺繼而松套流虜引類呼朋大肆

假以禮儀請建夷寺繼而松套流虜引類呼朋大肆

謂俺答性本善後末年欲禮佛是其善心之萌也

奸謀謂不須掠漢姑且收番番人盡收則漢人易掠

以間導其不不知日久爲掠番窟宅也一建一

河西我可得也乃地方官員方且縱其收番容其借

毀皆是因時制宜不必追咎前人耳

路以西寧之軍民供虜酋之魚肉是仰華寺爲容奸

之淵藪而西寧爲受禍之胚胎據西寧父老所稱說

蓋岌岌乎危在旦夕也其在河東奔控二川寔是番

巢且地接河洮蓋非夷虜得駐牧自真相占據莽

刺川於先。火落赤占據捏工川於後。遂盡收諸番。以爲部落。盤結近地。以爲巢穴。今日窺洮州。明日窺河州。或索求重賞。或挾制開市。或求討官職。恣其雄心。肆行桀驁。時因虜王西牧。假借聲勢。大肆塗毒。蹂躪河洮。震驚關隴。皇上震怒。特命經略。臣受命之日。誠不知兩川何以清。群虜何以解。臣經略作何下手也。於時御史董子行。以曾巡按河西。建白一疏。兵部題奉欽依。行臣。臣看得所陳。深中肯綮。故首議嚴禁。借路以伐其奸謀。繼曰虜王認罪求歸。臣復請焚夷。

寺以絕其禍本。於時群虜聚結於西海。舉事寔難。繼而火真雖離於兩川。而孽種尚在。且時在夏秋。虜馬強壯。臣惟慎守邊疆。持重觀變。乃養士秣馬。集糧治器。多方搖撼。散其黨與。俘其奸細。至七八月以後。扯酋遠來。駐牧者旣歸。而松套群酋。久居海上者亦散。遠遣哨探。惟火真二酋。仍駐仰華。臣料度彼已分布兵馬。刻期出塞。臣妄意此虜。或恃惡不解。或懷忿迎敵。臣已約誓將士。殲此渠魁。大仰天討也。乃不意豺狼聞風遠遁。鯨鯢見影深潛。據報河西出兵。直抵青

海往返千里。河東出兵。遍搜兩川。奔走二旬。既無迎敵之虞。亦鮮帳幕之踪。顧大荒寥廓之區。非我兵深入窮追之地。乃班師而回。萬全入境矣。此一舉也。文武將吏及邊方父老。咸謂殺萬虜。不如清此兩川。俘百酋。不如焚此一寺。何也。以兩川者。衆虜之巢穴。夷寺者。群酋之命脉也。從此固鎮慎守。歸德則胡馬不敢渡河。甘鎮嚴戒。邊隘則流虜不能借路。斷匈奴已續之臂。掃西海未絕之氛。督撫諸臣可漸次圖也。

爲經畧兩河備陳封守當嚴以清海甸以固洮

河事疏

經畧兩河

臣惟去年五六月間、虜犯河洮、損軍折將、皇上赫然震怒、特允廷推、命臣經畧七鎮、至蘭州、以爲河洮失事、經畧戰守、當自河洮始也、及咨諏輿情、稽察地里、乃知河洮之患、在於虜牧兩川、兩川之虜、由於歸德不守、歸德難守、由于群虜駐牧青海、青海虜至、如流、由於甘肅任虜往來、至於西寧一郡、故鄰青海、往往日苦虜番漢不安、皆假道爲禍耳、是甘肅者青海之門戶、而歸德者又兩川之咽喉、故欲河洮無患、在

空兩川欲兩川無虜。在慎守歸德。欲流虜不來青海。在於甘肅沿邊界限有嚴封守慎固也。臣渡河而西移駐莊浪嚴督將士。凡流虜闖邊宣諭不從者必殺無縱。令下行之兩月。擒斬頗多。故甘肅永涼莊之間昔也。城郭之傍。虜幕雜陳。繼則斥候之外。犬羊遁跡矣。以故松套與海上之寇。聲援不通。兵威震疊。而火真諸酋亦從兩川遁西海矣。今虜王回巢。卜酋東去。出兵西海。火酋遁跡矣。臣誠不能不惴惴然惟後艱之是懼也。臣請畢陳其槩。夫甘肅一線之路。南番北虜。

非昔之所謂斷匈奴右臂者乎。祖宗時青海有番無虜。故自西寧以達河洮。雖設有兵衛。亦惟防番。非謂防虜也。自正德年間。亦卜剌遜遁海上。遂稱多事。然前此虜之掠番。曷嘗不假道甘肅乎。然非大眾不舉。非高秋不舉。群然而來。亦忽然而去。何也。虜窺我則畏番。圖番則畏我。非敢以甘肅內地可任往來也。非敢以青海輿區可容駐牧也。今東虜歸矣。流寇散矣。大漠寥廓之區。雖有存者。亦無幾矣。惟是流虜不來。則孤雛易制。假途禁厲。則流虜難來。臣所以反覆於

門戶之防者此也。或以流虜難斷，經略在事，奉揚天威，虜有懼心。若經略一去，則甘鎮之兵，能戰幾何？虜騎群來，能堵截乎？臣竊爲不然。夫虜之闖邊，非大衆也，少而幾十衆，而數百。日日經行，遊虜自謂孔途，將領視爲常事。卽有大衆，如東之虜王，率衆而來，套之卜酋，携家而過，亦不幾見也。沿邊將吏，曾有稱兵抗拒者乎？曾有揚威宣諭者乎？虜之驕縱，積慣使然也。今奉旨嚴禁，時將一載，松虜流虜，不敢如昔之往來自由矣。守臣踵而行之，虜來則諭以明禁，虜抗則

拒以應兵。曷不可阻之有。且大夥。闖邊卽如水泉。故事則甘鎮之兵。自能迎敵。何嘗藉力於客兵乎。臣竊計自此之後。虜寡則必不敢闖。邊闖則易於制馭。或又曰。虜糾合大舉若何。臣竊惟未款之前。地方將吏何以禦大舉乎。考而行之可也。矧納款之夷。不忘香餌。若果糾聚。則若延若寧。聲聞必早。批亢擣虛。形格勢禁。虜雖至愚。寧不瞻前顧後。自保其巢乎。此又各鎮同心。我不牽制於貢市。則虜必不輕捨此羈縻。臣故以爲甘肅通海之路。必不可不斷。必不難於斷。

者。惟在鎮撫及將道諸臣力持而果行之。能堵流虜。卽以功論。縱虜南來。卽以罪論。若使胡騎不敢南牧。則海甸澄清。諸番按堵。近而西寧無擾。遠而兩川寂靜。河洮地方。將何處來烽燧之傳乎。此善後之事。臣所深望於甘肅者。爲甘肅計也。寔所以爲河洮計也。乃若洮河之防。更有可言者。洮河地近腹裏。然洮州直接莽川五百里。耳河州去莽川甚遠。捏工則近。雖設有二十四關。然天險延長。昔惟防番。寔難戍守。惟歸德一堡。地近黃河。海虜若飲馬而南。其聲聞易達。

其彈壓甚便也。此處若將勇兵強心協番漢。卽猾虜能不寒心。敢直闖哉。臣初至金城。卽行委贊畫主事梁雲龍直抵洮河。遍閱關隘。鼓舞番族。審察地利。本官博採衆論。考據方輿。所得於將吏聞見。規畫守禦者。談之井井。隨據本官會同贊畫僉事萬世德。節次會呈。如曰歸德設將添兵也。疏通番站也。修復屯寨也。設保安守備也。加撒刺防守也。移龍溝守備也。番修庄堡也。兼設墩塘也。開墾荒田也。臣看其所言有據。然不詢僉謀。臣不敢謂必可行也。故咨行撫臣。劄

行該道通行勘議矣。續准撫臣會疏前來。臣准其會
想合疏畧去守歸德事故此疏重述之
疏具題訖。臣詳閱全章。似於原咨有遺議焉。臣竊念

歸德與西寧南北峙立。以控青海者也。祖宗建置。豈
無意乎。若歸德不守。豈惟兩川直達洮河。且使洮河
直達臨鞏矣。狂瀾一倒。勢必橫流。是歸德所係於保
障三秦者。非細故也。他日有事。無謂臣今日不言也。
此臣之於洮河莽捏。亟亟於先事歸德也。夫歸德祖
宗建置也。雖深入草莽。猶可以經營者也。今若付之
無可奈何。則莽扼二川。固國家弃地也。據鞏昌府知

府郭師古建白必欲列戍而屯守之據其規畫詳細是亦一說也臣已備咨巡撫勘議矣其可其否當有定論也雖然甘肅邊隘大防也若流虜斷往來之路則青海無結聚之巢青海無結聚之巢則兩川無犬羊之牧卽河洮可安枕也歸德又在所緩也臣不敢不備言之也

敬陳陳備禦海虜事宜以弭後患疏

竊惟臣奉命經畧陝西四鎮而其重在兩河經畧兩河夷情而其重在西海西海者羌番住牧之區流虜

依戀之處。可以掠番。可以窺漢。且藉兵於番。化番爲虜。作奸甚便。而流毒甚易也。故臣之經略。於西海獨艱。臣之駐劄。於西寧獨久者。名雖驅逐虜王。實則計此番虜。今東虜歸東。套虜歸套。在虜之番。雖尚繁多。亦漸解散。海上子遺殘寇。臣非不欲舉其種類。芟薙而空之。顧其勢有未易能者。何也。使海虜而處於四封之內。則我請徵十萬之師。東西南北。夾攻合擊。可以旦夕掃除。而今不然也。西寧行百里許。而出石碛。卽爲塞微。又西行四五百里。乃爲青海。青海周圍七

八百里。其西有大小鹽池。西南則通烏思西藏西北。則通瓜沙哈密。皆其可去可來之地。可牧可獵之區。延袤數千里。廣漠無際。而欲提兵於此。競利擅裘。豈不難哉。進兵之路。惟西寧頗易。而西寧以西。雖有扁都口可進。然惟可以防其北潰。而到海則遠。西寧以東。雖有綽遜河口可渡。然惟可以扼其南奔。而到海則又遠。即使兵衆食足。分路而進。西寧裹貳拾日之糧。由石硤而進。甘涼裹一月之糧。由扁都口而進。河東裹月餘之糧。由綽遜口而進。然亦未必能得志而

絕群醜者何也。此○昔○人○以○走○逐○捕○之○喻○也。我進則彼退，我愈進則彼愈退也。况

大漠窮荒，我軍深入，糧糗芻料，何以隨載？緩急失節，

何以救緩？此海上出兵之難也。是時漢之驃騎、歙如

霍嫫姚，然其率戎士再踰居延，過焉支山，至祁連山，

而卒亦未嘗到海。西漢之末，柄政者欲耀威武，諷卑

禾羌獻西海之地，置西海郡，而不久遂廢。然則漢武

帝雖開河西五郡以斷匈奴右臂，而羌虜猶然交通。

未絕也。唐薛仁貴曾三箭定天山，而吐番結贊盜河

湟，犯畿輔，謀夫虢帥，圍視共計，竟不得其要領，則西

寧。且。沒。於。吐。番。號。青。唐。城。而。何。有。青。海。也。惟。我。二

祖。斥。逐。匈。奴。經。略。西。土。百。餘。年。來。海。上。無。虜。遠。過。漢。唐。所。以。然。者。二。祖。取。漢。武。所。開。武。威。張。掖。酒。泉。故

地。東。起。金。城。西。抵。嘉。峪。置。道。建。衛。隔。絕。羌。胡。又。自。涼。州。岐。而。北。二。百。餘。里。取。古。姑。藏。地。爲。鎮。番。衛。以。扼。虜。衝。自。莊。浪。岐。而。南。三。百。餘。里。取。古。湟。中。地。爲。西。寧。衛。以。控。海。口。則。甘。肅。一。鎮。屹。然。虎。豹。在。山。北。虜。不。敢。肆。然。入。海。者。有。由。然。矣。而。虜。之。餘。落。別。部。流。牧。海。上。如。撒。里。畏。兀。兒。如。卜。烟。帖。木。兒。如。散。西。思。如。鎖。南。吉。刺。

思者。感畏威德。願求內附。則設爲安定。阿端曲先罕。東四衛以分統部落。有安定王有指揮同知指揮僉事。各賜印章敕誥。通朝貢獻方物。又給授金牌。歲與西番中馬易茶。而制其死命。耗其雄心焉。夫有重鎮以控制其要。胡馬無南牧之虞。有四衛以安撫其屬。海豕無狂突之警。雖流虜窺塞。越入搶番。然旋入卽出。雖酋長之在海者。亦有潛蓄異謀。然旋即起撲。弘成以前。番漢不殘。兩河安枕者。職此之故也。正德初。套虜亦卜刺以獲罪。酋長叩關乞降。彼時守臣倉卒。

無應遂致闖入破安定四衛擄其金印竊據其地青海之陬始爲虜穴而剥膚之漸此實厲階當時經略諸臣自正德以迄於嘉靖先後建畫言人人殊然總之不外於剿與撫兩者正德九年以後總督彭澤楊一清王瓊王憲等或撫或剿持議不一竟鮮成效嘉靖三十八年俺荅復由鎮羌入西海分犯涼永西寧遂欲久住至四十年以中濕腫足而歸因遣永邵卜之把爾戶一枝焉夫觀之漢唐以及於我二祖與近時諸臣固制禦海虜難易得失之林也其在今日

之事則視之性。昔尤難矣。何也。正德時。青海之虜。固亦卜刺一枝耳。最爾小酋。無難制者。然今年入掠。明年入掠。今歲經營。明歲經營。前後經略。更五六大臣。至嘉靖初年。事尚未定。今年東虜。擄力充套。虜卜失兔。松虜。宰僧阿赤兔等。以十萬之衆。聚牧於斯。黨惡於斯。視之亦卜刺衆寡。強弱不啻什百。臣竊慮海上之寇。不知所終。而憂時談邊者。將謂國家西南復添一河套也。茲者仰仗皇上威靈。虜情震怖。雖入犯兩河。而不敢不輸罪。雖延住數月。而不敢不言歸。且

東虜既東而松虜還松山套虜歸河套所遺於西海者獨火真二酋把爾戶也。雖視之亦卜刺當時一部尚繁有徒然東套大虜之勢已分散矣。自三酋之勢而論之火酋父子不滿千騎其桀驁梟雄惟恃刺卜番子。今已招出此番而火酋直爲窮寇耳。真酋兄弟聞所部亦止數千。雖收有河南番子而渡河北遁。渙散殆盡。真酋亦屬遊魂耳。所憑藉者把酋一枝。管爲三窟也。把爾戶者永邵卜之部落也。永邵卜世牧宣大絕塞其族甚大開市於張家口惟把爾戶流寓青

海年久不歸所領達子所收番子共有萬餘但病廢
日久而其用事則瓦刺倘不浪也然衆虜東歸惟三
酋不歸者固戀住西海之水草而其所以不收隨虜
王徑歸者則各負不宥之罪又恐過邊之時所携部
落牛羊我兵乘其後也蓋火真二酋犯河洮者也瓦
刺倘不浪則先年入犯殺李魁者也又就三酋之罪
而論之火真深入洮河罪不容誅瓦刺倘不浪雖與
二酋同罪但查西寧雖有喪師之虞彼酋實未敢肆
然搶掠當時卽乞恩認罪情願鄉獻事將就緒繼以

任事無人傍觀忌成事遂未就議者殊有遺恨而其
主夷把爾戶則連年悔禍並無作反情形臣在西寧
據遊擊祁德稟稱把酋託番僧國師差人見臣意在
探問消息臣亦許之乃公同贊畫兩臣及該道同審
示以戎刺倘不浪不赦之罪原把爾戶可宥之情陰
陽反覆多方操縱者臣欲於逆酋之中而復分別順
○我○之○所○當○剿○除○亦○少○易○以○爲○力○
逆者蓋寬把酋之罪所以離火酋之黨而舉事可專
也無何據虜中消息火酋復約把酋看守仰華欲拒
我兵乃把酋答以爾自河洮爲逆與我無干我還要

在漢人那顏上認罪求宥。俟病好還歸故巢。今不敢
與漢兵抗矣。隨屢據偵探。盤居青海。看守仰華。惟火
真兩部之虜。而把爾戶之部落不與焉。臣於是計算
彼已酌量時勢。乃挑選鐵騎。鼓舞番兵。趕其馬匹。撲
其伏路。出兵西海。火其寺宇。竊意狡虜當是時必將
迎敵交鋒。可以俘馘。然一聞聲勢。遂各携其老小。鼠
竄狼奔。莽蒼之野。莫知嚮往。不得不班師歸也。是火
酋雖未成擒。而海之東西南北。巢穴已空。抑亦足以
蕩海渤之腥臊。而明漢兵若風雷矣。顧目前雖去。不

能保其不來。則亦卜刺故事可鑒也。母恃其不來。恃
吾有以待之。則亡羊補牢可圖也。臣晝夜熟計可舉
之事。十有二端。謹據實爲。皇上陳之。一曰嚴借路。
夫甘鎮一路。乃入海門戶也。今已奉。旨嚴禁。不許
復借。誠使鎮巡諸臣。恪遵。明旨。綢繆。牖戶。闔邊則
殺。扒塹則殺。掠內則殺。則匈奴之臂必斷。海虜之勢
自孤。雖有小醜。穴中鼠耳。或謂虜擁衆西訐。勢將不
敵。其如之何。臣則謂以一鎮而制各鎮之虜。難以各
鎮而制各鎮之虜。易河西故無虜牧。而諸虜之在延。

寧山大各有撫賞。各有市口。藉使受賞於東。而欲啟
疆於西。在各鎮則華市搗巢以制之。在廿鎮則陳師
鞠旅以禦之。諸虜有不內顧而外畏乎。此通海之路
必然可斷。無足疑者。夫嚴禁借路。臣已特疏上請。而
茲復惓惓者。以嚴斷借路。乃蠶食海虜之第一義也。
二曰急自治。夫自治之策。莫要於設將增兵。積餉製
器。四者皆邊鎮之所急。而西寧尤急。請卽就西寧言
之。西寧之碾伯古鄯。自海上視之。猶稱腹裏。而惟西
川北川南川沙塘川。逼臨海道。皆當虜衝。除北川原

設守備西川近議設遊擊并議增兵三千畫地分守
已經題請部覆無容議矣然而未盡也據該道將
會議沙塘川平原廣衍應設守備一員而省減碾伯
兵四百名以補沙塘川兵庶便防禦西寧一路雖設
叅將然事權尚輕議陞叅將爲協守副總兵與甘涼
副總兵分爲三協甘州副總兵自硤口以西起至嘉
峪關爲西協涼州副總兵自硤口以東起至金城爲
中協西寧副總兵則自南北西三川沙塘川以至碾
伯古鄯爲東協各分信地改給新敕必於諸將中選

其家聲威望素爲虜畏如魯光祖者以任涼州副將以拒堵松山向南之虜又選謀勇兼資熟諳番情虜情如見任肅州叅將楊濬以任西寧副將以剿殺海上流牧之虜又選廉而有能爲番所畏服以任西川遊擊乃漸積芻餉使常有萬兵一二年之供修治神鎗火炮演習陣法使有一可當什之勇夫如是則將勇兵強食足器利雖橫行匈奴惟其所向而況於蠶食海虜也三曰鼓番族夫環河湟皆番而其最有氣力者則海上番也海上之番其族有七曰刺卜曰亦

郎古曰罕東曰沙麻曰武宗塔曰納部曰石刺韋物此皆安定四衛之遺種。而爲我祖宗之所拊輯者。總名之曰紅帽番子。而謂之紅帽者。以其衣裝類虜也。謂之番子者。以其服屬爲番也。又大海西南有阿爾列番一族焉。其部落最衆。布滿於河腦之南北。先年曾殺火酋兄。反言黃台吉。其强悍與虜埒也。西寧收番。雖八萬餘。而海上之番。猶未盡入牢籠。刺卜罕東雖皆內附。而亦郎古諸族。猶依海虜。雜居騎墻。觀望臣嘗責成魯光祖。祁德招之。而此輩向因助虜爲惡。

故首鼠兩端。是則尚可憂也。惟是該鎮鎮巡留心招徠。則餘黨可續解也。是必已歸順。則輯寧之。未歸順。則招徠之。其陷於虜中。則誘而出之。其爲虜搶掠。則出兵而救護之。其能殺首級。則照例陞賞之。其趕來馬匹。則卽給本番而獎勸之。使海上諸番。皆可以爲我耳目。爲我羽翼。而虜之視之。草木皆兵。舟中皆敵。又安能寧處海陬也。此坐消蠶食之大機括也。臣又博訪招番易鼓番難。西寧境內連絡各川。何處非番。與土漢人等。桑梓連陰。名雖爲番。實

子民也訪得地方官視番可利小者需求大者橫索

輕則加以刑責重則誣以賊盜或收之禁獄或攻其

番堡而無告之番不迫之叛去幾希也不特武弁卽

遺我大官此疏扼腕言之可作後來龜鑑

文職官員亦利賄索番有難言者人皆以西寧番漢

雜居難於控制不知貪官污吏爲番之苦未可盡言

故當選廉吏以撫番也四曰扼川底夫川底何以扼

也蓋古所稱斷匈奴右臂者以資四郡今惟收武威

至漢時燉煌爲涼州之首郡西涼之分爭以得燉煌者

張掖酒泉三郡而燉煌一郡弃之於嘉峪關外是在

今少重州燉煌固爲要地不宜弃之

我已非全臂矣又何以斷匈奴右臂哉是烏可不思

所以扼之也。然燉煌之郡雖弃，而我祖宗時猶取其地，以爲赤斤、蒙古、哈密諸衛。是其地雖弃而未弃。虜猶不敢西也。今則殘破於土魯番，而嘉峪以外皆荒漠矣。又何以能扼虜哉？亦曰檄回夷及瓦虜而已。蓋瓦刺達子與套虜世讐。回回入貢，屢被流虜劫掠。今回夷與瓦刺結親，則皆欲甘心於虜者。臣駐劄河西，曾有回回頭目來見，願聚兵報效。而諸將中亦有願往戍刺調兵者。虜王初欲取道川底，繼而畏瓦刺截殺，則川底之難可知矣。茲北來之虜，既不許借道內地。

萬一虜由川底行走。得其情形。則召號回夷。使回夷勾引瓦剌會兵於嘉峪關西北。而我亦張兵於關外。爲其聲援。虜必畏而不敢來也。北虜不敢來。則海虜之勢孤。庶幾乎可蠶食乎。或曰瓦剌虜也。招而用之。是引賊入室也。不知因夷勾夷。使回夷引誘。自爲利耳。或事成。聊啗以賞。非許其近我邊塞也。蓋回夷則進貢之夷。惟我驅使之。似無足虞。此在當事之臣。酌機權度事勢。如毒藥可以療疾。疾愈而藥卽止。非謂平居可服食也。五曰守歸德。夫歸德之守。匪獨制海。

虜之南渡亦以壯西寧之聲援也。蓋歸德西寧並峙於河之南北而歸德以西綽遜口則又虜之渡河入川者是歸德也。遠處於二十四關之外。目河州視之爲孤懸。自西寧視之則爲比鄰。歸德距河州有六日之程。而其距西寧則僅三日。輔車相依唇齒胥賴。乃祖宗所建以控海扼川者。議者欲改歸德操守設爲遊擊領兵三千庶成重鎮而今議僅設守備猶未足以示彈壓也。其必改設遊擊可乎。其西如綽遜諸口則設墩臺如達子州等番流水田地則設番堡以爲

藩屏其東如保安中站則設守備如撒刺土官則加
韓恩防守以昭聯絡必如是而後可以抗海虜而助
西寧也然設將於孤懸荒落之區增糧於道迂山險
之地聞者低眉談者縮項嗟嗟臣亦知其難言也然
設險慎防邊方長計惟此歸德未可付之無可柰何
而已據贊畫主事梁雲龍稟稱據操守長畧言屯寨
番漢水足土饒芻麥易買不難於本色而難於折色
夫既不難於本色則轉運奚慮焉此則當集衆思查
實際也夫經畫歸德臣已於經略兩河暫收寧謐疏

緣邊所苦不難于折色

中特言之。而此復拳拳者。蓋守歸德者。乃所以犄角
海虜。不可後也。六曰飭茶禁。夫海上番夷。有茶則生
無茶則死。其利非不忌也。我中國之制番夷。熟番則
易茶。生番則不許易茶。其禁非不嚴也。然惟禁於開

在楊文舉疏中可查也

中之時。而不禁於既開之後。生番托熟番以交通。海
虜附番族以私買。甚有一種奸商。私挾茶篋。深入番
地。利其貨殖。又有一種奸夷。私載茶篋。遠抵虜穴。收
其厚利。則其歲月往來。交結貿易者。禁猶不禁。而虜
之處於海上者。居然無恙矣。是必嚴爲之禁。凡茶商

賣茶。只許於城內本舖開賣。敢有私挾出境者。按如律。又嚴爲之禁。凡番夷入城買賣。各給以印信執照。如無執照而故行買茶者。按如律。不拘番漢人等。但遇有私茶出境入虜。捉獲舉首者。則給以所獲之茶。仍賞銀若干。其本犯則加常律一等重治。夫嚴禁若此。則私茶不行。私茶不行。則海虜自困。安知其無有三日不茶。腹脹而死者乎。又安知無有如僉客中濕腫足而歸者乎。是茶禁不可不嚴也。七曰議番路。夫茶禁嚴矣。各番赴藏受戒。如漢人之赴京求官。禁之

不能也。而海上之途。則入藏捷徑。番利虜途。虜利番貨。故群虜之戀戀海上者。虜視番爲可劫之人。番畏虜爲截路之盜。此而不議。則番必入藏。入藏必由青海。由青海則必借路海虜。若無法以防閑。則受戒之番。何以禁其通虜。近據西寧兵備道按察使石櫨呈爲乞恩計路。以便赴藏受戒事。准西寧遊擊魯光祖礮伯守備祁德手本。查得西寧境內。住牧熟番僧人未款之前。有去烏思藏受戒者。俱將番僧名數。并隨騎馬匹行李等項。赴本道告明。一面轉呈甘肅撫院。

一面本道查給執照經由四川內地入藏回從原路歸巢自虜欸以後番虜交通各僧就近取道海上直赴西藏今番僧班着兒堅智札思巴堅錯等欲由前路緣近日經畧部院招番殺虜各懷讐讐難以前往告要照依先年舊例經由四川入藏似應准從到道案照轉呈到臣臣切以爲群虜占據海上非獨便利水草實是垂涎番貨蓋番僧入藏必由青海由青海必經虜巢經虜巢必供虜貨故西藏之璫璣寶刀諸番所有虜卽有之今欲斷絕番虜交通而猶容其經

由舊路。則勢必連結。是兩河之患無已時也。此安可
以不議也。合無備行督撫。細查徃例。如該道所呈。有
則修復。容其給引。永絕番僧通虜之虞。無則該鎮別
爲長計。若番不由海。不惟絕交構之嫌。且使虜無所
利。於番亦難久居於海矣。八曰。議鵬剿。夫甘肅道斷
則海虜勢孤。固不必干輕動大衆。窮兵追剿也。然戀
牧日久。則狎我疎防。部落零星。可施鵬剿矣。鵬剿云
者。攻其無備。出其不意。迅雷不及掩耳之謂也。如當
春寒馬弱時。偵其住牧近塞。則輕師潛出。打其帳房。

使其老小輜重牽顧不及而又諸番趕其馬匹虜必不能寧居海上矣。於時再入莽捏則畏我師之襲擊遠由川底則畏瓦剌回夷之堵截勢不得不遠遁烏思藏中。庶幾乎西海可廓清也。九曰鐵渠魁夫海上之魁曰火落赤曰真相曰瓦剌倘不浪此三酋均負不可赦之罪也。而火酋尤力足以豪舉智足以鼓煽方其流來肅州之南僅僅三四百騎已而收武宗塔兒番子已而收刺卜番子已而渡歸德收哈家諸番子。既建寺於果刺腦又採木料而營建於捏工川。此

其志豈在小也。此酋不誅，則海上之虜，後患未可知也。查得臣初至蘭州，以萬金懸賞，題奉欽依，無何而戶部隨發銀一萬，聽臣爲專購火酋之用，而真酋瓦酋各懸賞有差，今三酋未獲，其銀在郎中庫貯未動也。臣竊意此酋未獲，此銀必不可別用也。該鎮文武將吏，仍照賞格，時與番漢人等競相約戒，或徐用醉縛猩猩之術，識號食狙之計。若三酋一年不獲，則懸購原銀，一年不許輕動，十年不獲，則懸購原銀，十年不許輕動，使子爾驕酋隨處皆疑網羅，而番漢視之。

得便皆思擒捕。諸虜之傷其居牧者。亦且衆叛親離。蒐飛魄散。卽今逋逃之後。必不敢近西寧入兩川也。十曰重首功。查得未款之先。海上非無虜也。以入犯則環塞軍民得而殺之。而虜亦不敢輕犯。自虜款之後。流虜得由甘肅得集。海上得搶番族。始而番族猶敢迎敵。繼因虜酋肆行羅織。告之官司。官爲追罰。番無怙恃。乃舉西寧四境之番。而甘心附虜矣。陽爲掠番。陰行掠漢。掠之不已。漢人亦畏虜不敢殺。且有送添巴者矣。遼塞愚民彼此煽惑。曰此款虜也。殺之則

啟爨有罪誰復殺之臣自入西寧訪知此情乃大修
播告明示賞格招集馬戶無何而馬戶殺虜級來獻
矣此明驗也顧臣旣班師西寧父老士民皆送臣戀
戀有墮淚者訪之則云經畧西寧一年海寇不敢窺
邊番漢俱得殺虜今經畧一回來年之事不知所終
也臣乃反覆告諭謂海虜卽衆多乎大舉不過數千
耳能團聚不撒馬乎撒馬則各鄉馬戶守堡居民人
自爲兵家自爲戰得一級則有五十金之賞殺一虜
則寒衆虜之心彼雖犬羊能不畏死衆曰愚民不知

利害。非俛首受戮則甘心附虜耳。經畧旣去。誰復知殺虜之得利也。臣乃許之題請。大爲明示。士民唯唯。臣竊念甘肅迤北松山之虜也。住牧年久。恭順無他。若無上事。而要功搗巢。是挑釁也。非聖王制馭夷戎之道也。海上之虜。住居旣不可容。罪惡又復屢著。不鼓舞邊民殺之。是自餒也。非邊臣保疆安塞之忠也。臣已三令五申。虜人必殺殺虜必賞矣。顧人心趨利。不賞不鼓。臣在事之時。但遇驗功。隨即以馬價給賞。今有司不能也。臣查得該鎮撫賞銀兩曷啻萬餘。今

兩年不開市矣。其扁都山丹市場。臣既徑行革之矣。合將此項銀兩。聽督撫查明具奏。另項收貯。專備賞功。撫臣不得別用。該道不得擅支。仍遍示西寧番漢軍民。但虜敢近邊窺伺。或假以買賣掠番。索取添巴者。則許乘便殺之。殺之而來獻級於撫臣驗實也。一面照例每級卽給銀五十兩。願陞級者擬陞。不得時刻稽留。使速獲用命之利。無守候之苦。一面該道呈巡按御史紀驗。年終類報。使番漢軍民皆曉然知殺級之獲大利。且速得也。寧無拚生命以圖虜者乎。第

年來法令不信久矣。血戰而隔年不敘功。萬里無告之軍民。且向有因殺虜級而反獲罪戾者矣。將吏灰心。豈獨番漢軍民皆喪氣也。臣故於殺虜之賞。惓惓言之。願地方官員力持而果行之也。十一日。議招降。卷查先爲申明擒斬賞格。及招降舊例。以鼓人心。事該臣議得。被虜漢人。雖相安異域。豈無乘時圖利。奮勇自效之人。卽真夷中。亦有慕義投降。如解生補於漢之流者。此名今火酋旣敢犯順。似應乘機招徠。以挫賊虜勢。查得先年有能率衆至四五十名以上。或百名

此是降夷

以上者。授以鎮撫。或千戶官職。彼時有計安國李春
艷白春王現等事例。而計安國官至叅將。李春艷曾
官守備。與白春等皆臣所親記者。至於十名。以至二
三十名。亦各給賞有差。其招降有功叅守等官。舊例
亦應分別陞賞。臣已題奉欽依通行兩河地方官員
欽遵。訖而西寧地方海虜來歸者。節據塘報亦多人
矣。今松虜相安。若一槩舉行。是使虜藉口而激之變
也。臣竊以爲海上原非虜巢。火真等酋。又復叛逆。今
於趕馬搗巢之後。虜必震懾。而貧夷強虜必有畏殺。

內附者若各將領再有招徠之法。安插之術。美其服飾。優其糧石。如宣大將官。優養真夷事例。則各酋豈無望風投進者乎。投則優養。使其得所。海上強夷漸可披離。是亦青海之喫緊也。故臣復於前疏再申明也。十二曰收服屬。夫渠魁既誅。群醜自散。西塞之西北塞之北。惟其所之。不爲邊患。此不必計也。乃若戀青海之水草。不欲他違。感中國之恩威。願求內附。有不必六行勸殺而可以安靜西海誠經久之良算如國初撒里畏兀兒輩者。則宜遵我二祖置安定四衛故事。使其酋長相屬。或令其隨番族中馬易茶

若行此策

無不可者。但不可強其來歸。啗以開市。引賊入室。養
虎遺患也。夫既不能窮追而滅其種類。乃又嚴爲峻
拒而不開生路。是豈天地父母之量哉。合而言之。嚴
借路而扼川底者。制北虜之入海。守歸德者。制海虜
之入川。是大防也。急自治以固堂奧。鼓番族以厚牆
垣。飭茶禁以杜蔓延。議番路以杜交通。是大本也。議
賜剿以消螫毒。殲渠魁以正典刑。重首功以勵番漢。
議招降以散虜勢。收服屬以示羈縻。是大機也。蚕食
海虜之策。舍是無奇矣。以故臣備言之。而亦稍行之。

第天下之事。非一日所能速完。亦非一人所能卒辦。
臣今日之所經畫者。止於如此。臣一人之所拮据者。
亦止於如此。不無望於後之人任之耳。夫自古用兵。

卽中原劇寇。頓難剷除。何況強虜。遠處沙漠。臣今之

自言戰功以中朝有言其紹虜者耳

提兵曾幾何乎。鎮羌之殺。水泉之殺。莽川之殺。皆只

卽其地用其兵耳。逐散東套松山諸虜八萬有餘。惟

用宣大山西千五百耳。大舉出塞焚寺犂庭。亦惟調

各路兵一萬餘耳。夫調兵治餉。臣皆奉敕書。得以自

○不○多○調○兵○不○多○請○餉○此○邊○將○守○邊○持○久○之○策○

便。然臣不敢多調兵馬者。何也。芻餉不足也。然臣又

不敢多請內帑者何也。召買難卒也。西寧當川海之衝，正調度適中之處。然而彈丸之地，番漢雜居，僻在一隅，饋運艱甚。臣去冬始入臯蘭，查問西寧積聚倉廩，無糧。艸場無艸，臣不勝憂惕。適西寧兵備道石檟新至，與臣一見，臣卽趣其亟履任治辦。逾一二月，報買小麥、豌豆、青稞、草束各若干。臣始於正月領宣大六百兵馬移駐西寧。三月，山西寧夏兵馬一千六百至，臣則令各就城堡，取便關支。四五月間，枯艸旣盡，青艸新起，臣則又分布兵馬各往諸川，就水艸撒收。

七八月間將圖大舉復行召買然而青黃不接貿易無措監收官下鄉散銀土民皆掉臂入山而去臣是時不憂海虜而且憂蕭牆矣雖有百萬之銀發於西寧其能食之而飽乎臣于是與各將吏委曲調停凡軍糧馬料皆以豆麥青稞相兼而支乃積得萬軍十餘日之糧艸僅足以供萬軍出塞十日之用而止夫作無米之粥而欲効巧婦奮空拳之擊而欲効勇士誰睹其艱狀誰諒其苦心乎談者爭言速戰更不求其所以戰之之故爭言殺虜更不求其所以殺之之

由間有言及積餉又不求其所以積之之漸難矣難
矣趙克國非不稱老將然坐困先零猶不免屯田以
待其敝諸葛亮非不號善兵然六出祁山而六不遂
志乃屯田渭上以爲久居計此豈有他故哉運餉不
繼也故今議剿虜者先養士欲養士者先積餉然積
餉十萬則未可以旦夕舉也但臣經畧年餘大虜雖
東而火酋難於遽得兩川雖空而青海不無可慮一
得之愚釐爲一十二事伏乞敕下兵部從長酌議爲
此上請施行

虜王遣使謝罪乞恩復賞疏

虜賞

臣會同督撫蕭大亨等、議照夷狄世爲邊患、惟嘉隆之年、蹂躪尤極、天厭腥羶、憐答納款蒙先帝獨斷、許之貢市、今虜封三世、貢市念年、邊鄙無警、虜亦相安、乃扯酋嗣封之後、假以送佛爲由、一至甘州、敢爲狂肆、雖拳拳認罪、諉責火酋、然身自啟疆、罪復何辭、今回巢之後、若興師問罪、永閉關門、非不足以昭示天威、弘彰國法、但念聖王之制戎狄也、犬羊畜之而已、羈縻勿絕而已、夫惟犬羊之也、其敢爲噬人、則擊

之以杖其挫尾而來則飼之以食夫惟羈縻之也使
之就我牢籠防其躡躅未宜速之太急令其生心也
今扯酋誘罪於火酋之勾引輸情於掠番之誤犯雖
禽獸之心終屬叵測而桀驁之狀蓋已閉藏且部落
連數千里之遠酋長總十數部之多在巢保疆如宣
鎮之青酋兄弟竟未敢東窺薊遼而兀慎擺腰五路
等部之在新平守口則馴服猶故也或在西安牧如
不他失禮夫婦竟未敢東窺莽捫而大成比妓之在
海徼則歸巢獨先也今以一酋之罪繫杜諸酋略認

罪之心，竟從峻絕，消往日之恩，開將來之隙，激衆虜之合從，速犬羊之變動，臣等竊以爲不如姑示羈縻，復其市賞，使便也。及查十八年，虜王與各部表馬，已經進邊，群夷馬匹間有未奉明旨之先，已陸續易賣矣。今欲槩從停格，其已賣之馬，已給之賞，安能追而奪之？惟十九年市賞，則當斷絕，示罰無疑也。及照史夷逃去，屢犯我疆，大爲邊患。今若蒙皇上曠蕩之恩，容虜王進貢方物，其各部落十八年進貢馬匹，自該年六月收進，無罪之夷，久候賞賚，今姑與轉進，以

安群酋觀望之心，虜王十八年市賞，姑聽許給，督撫仍多方操切，責其必獻史酋，以明虜王報效之實。候罪酋既獻，恭順乞哀，然後將十九年市賞，另從酌議。不則十八年進貢之賞，止給在巢及未經犯順諸酋。其虜王該年市賞，併二十年之賞，亦難遽開。如是而虜猶敢跳梁者，則革王罷市，彼復何辭也。夫既復其市賞矣，由是而申明約束，霸柄在邊臣也。夫所謂申明約束者，非必事事而商之，言言而訂之也。蓋邊方之事，我求虜，則虜重虜求我，則我重。今虜酋乞哀求

復市賞是虜求我也。此後當事者堅持約法。力裁冒濫。雖未能如俺荅初款之例。然事有章程。賞有額數。據閱視三臣所定之錢糧。爲邊臣撫虜節制之規則。額內樽節者爲盡職。額外支費者爲冒濫。一有冒濫。卽罪以媚虜。責以闕茸。夫復何辭。夫旣責以節制。須先立與章程。合行三鎮監市兵備。將領官員。通將在市應易馬匹。應給撫賞。逐部逐酋。細爲分別。某酋每歲在市。應賣馬若干。內銀馬幾兩者若干。幾兩者若干。貨馬該段納者若干。該布疋者若干。該皮張者若

干、應給撫賞若干、係該某物某物、又督撫衙門每年
計給月賞若干、某酋幾月一次應給某物某物、每次
准差夷使幾名、從某邊口進入、逐項預開明白、置立
格眼文簿、徧發各該經營官員收掌、仍刊示木榜於
各市廩邊堡、曉諭華夷一體遵守、除在市者聽監市
道將遵行外、若計月賞之夷、則責成邊口叅守、查照
驗放、非時求入者不准、多帶夷使者不准、零星求計
者不准、妄意濫索者不准、務要上下相成、恪守舊例、
舊例有者不減舊例、無者不增、至於一切非分橫索

錦繡珍異違禁鋼鉄與夫拘執官役及以垂斃之馬
濫克入市等項舊弊盡行裁革各督撫賞過物件仍
發單開註數目及夷使名數給付來夷齎執經過邊
口叅守官照單驗明方容出口如單外夾帶別物卽
行根究不許放出境外各虜酋敢有不遵書諭虜王
罰治如或狂逞桀驁則卽嚴兵拒剿以治起釁之罪
若各官敢於輕徇濫給一米一布者訪出卽係媚虜
將給過之物估價坐贓治以侵盜之罪至於講事夷
使到邊務審驗酋書直正酌量所講事情大小每事

准其入口。不過三五名。或十數名。守口官員。敢於多放。則以輕狗罷軟論罪。夷使絕不給賞。以示杜絕。如此則約法既定。限制自嚴。若虜服從。則貢市如常。固不必招入笠之豚。使之逸去。如虜敢肆。則罷市稱兵。尤不許畏狂嚎之犬。仍復招徠。此所謂欸也。固一時羈縻之計。非久安長治之策也。亦曰練兵儲餉。養士遜才。朝夕待戰而已。所謂戰者。非必不量彼已。不問時勢。非無故而輕搗其巢穴。非虜旣服而掩襲其不備。臣等之謂戰者。惟虜敢狂逞。必殺。背約入犯。必殺。

扒牆窺伺必殺。入市行兇必殺。小之而隨犯堵截。大之而集師會剿。大都虜衆自作。漢過不先。此爲堂堂正正之師。卽我殺虜。虜亦無辭。昔漢臣魏相諫伐匈奴。有云。敵加於已。不得已而起者。謂之應兵。兵應者。勝爭恨小故。不忍憤怒者。謂之忿兵。兵忿者。敗。臣等願邊方有應兵。不願出忿兵也。臣等又惟非我族類。其心必異。故稱臣乞哀矣。安保其不陰懷異志乎。今日款甚矣。安保其來日不作惡逆乎。第一槩驟絕。則虜不心服。暫示羈縻。則我可預備。故今日順矣。今日

撫之。

此在開設市貢之時。諸臣已預之矣。

明日逆矣。明日剿之。此部順矣。此部撫之。別部

逆矣。又復剿之。

若順而復逆也。則易撫爲剿。逆而復

順也。則轉剿爲撫。以虜情之向背定戰歟之權衡。惟

歟不狗虜。戰不挑釁。一操一縱。太阿之柄。常自我持。

使猾虜曾不得窺測而跳梁焉。此所謂酌議戰歟也。

臣等今日主戰。他日戰不得人。戰必無利。必有以啟

釁。挑怨罪臣者。今日主歟。他日歟不得人。歟必有害。

必有以縱虜誤國罪臣者。議事者不察首事者之心。

不諒任事者之苦。又不原愼事速禍之人。文法責備。

皇明經世編

鄭經畧奏疏

房賞

三

平露堂

於一朝、議論追尋于往事、其人已死、其事難辯、是臣等所大懼也。